

# Դառնալ Հիսուս Քրիստոսի աշակերտը

ՆՈՐ ԿՏԱԿԱՐԱՆԻ ՍԵՄԻՆԱՐԻԱՅԻ ՁԵՌՆԱՐԿ

## Վերցրեք ձեր խաչը

Կարդացեք Դուկաս 9.23 հատվածը և փնտրեք Փրկչի պահանջները՝ Նրա աշակերտը դառնալու համար:

- Այս հատվածն ի՞նչ է սովորեցնում Հիսուս Քրիստոսի ճշմարիտ աշակերտը լինելու մասին:

Այս հատվածն ակնարկում է այն ֆիզիկական խաչը, որը Հիսուս Քրիստոսը կրեց և որին բարձրացվեց Իր Հոր կամքը իրականացնելու համար: Չնայած մեզանից չի պահանջվում կրել ֆիզիկական խաչը, մեզանից պահանջվում է հետևել Տիրոջը՝ կատարելով Երկնային Հոր՝ մեզ համար նախատեսված կամքը, նույնիսկ երբ դա դժվար է:

Կարդացեք Զոզեֆ Սմիթի Թարգմանությունը, Մատթեոսի 16.26 (Մատթեոսի 16.24, ծանոթագրություն Ե) և ուշադրություն դարձրեք, թե մեզ համար ինչ է նշանակում վերցնել մեր խաչը և հետևել Հիսուս Քրիստոսին:

Երեց Ուլիսես Մոարեսը Տասներկու Առաքյալների Քվիրումից բացատրել է, թե ինչ է նշանակում վերցնել մեր խաչը:



Սուրբ գրություններից մենք իմանում ենք, որ Նրանք, ովքեր ցանկանում են վերցնել իրենց խաչը, սիրում են Հիսուս Քրիստոսին այնպես, որ հրաժարվում են ամեն անաստվածությունից և ամեն աշխարհիկ ցանկությունից ու պահում են Նրա պատվիրանները:

Եթե մենք վճռական լինենք՝ թողնելով բոլոր բաները, որոնք հակասում են Աստծո կամքին, զոհաբերելով այն, ինչ մեզանից պահանջվում է, ձգտելով հետևել Նրա ուսմունքներին, ապա դա կօգնի մեզ մնալ Հիսուս Քրիստոսի ավետարանի ճանապարհին, նույնիսկ ձախողությունների, մեր հոգիների թուլության

կամ սոցիալական ճնշման ու աշխարհիկ փիլիսոփայությունների առկայության պարագայում, որոնք դեմ են Նրա ուսմունքներին: (Ուլիսես Մոարես, «Վերցրեք ձեր խաչը», *Ensign* կամ *Liahona*, նոյեմբեր 2019, 113–14)

- Դուք ինչո՞ւ պետք է հրաժարվեք ամեն անաստվածությունից և ամեն աշխարհիկ ցանկությունից ձեր կյանքում:
- Անաստվածությունից և ամեն աշխարհիկ ցանկությունից հրաժարումը ինչո՞վ է նման խաչ կրելուն:
- Ձեր կարծիքով, «ձեր խաչը վերցնելը» ինչպե՞ս կօգնի ձեզ դառնալ Հիսուս Քրիստոսի ճշմարիտ աշակերտը:

## Կորցրեք ձեր կյանքը՝ այն փրկելու համար

Կարդացեք Դուկաս 9.24-25 հատվածները՝ փնտրելով, թե Տերն ինչ է ուսուցանել Իր աշակերտը լինելու մասին:

- Ի՞նչ են այս հատվածները սովորեցնում Հիսուս Քրիստոսի ճշմարիտ աշակերտը լինելու մասին:
- Ձեր կարծիքով, մարդիկ, ովքեր կենտրոնանում են իրենց սեփական կամքի և եսասիրական ցանկությունների վրա, ինչպե՞ս պետք է, ի վերջո, «կորցնեն» իրենց կյանքը:
- Ձեր կարծիքով, ի՞նչ է նշանակում, որ մենք կփրկենք մեր կյանքը, երբ կորցնենք այն՝ հանուն Նրա:

Նախագահ Թոմաս Ս. Մոնտնր (1927–2018) բացատրել է, թե ինչ է նշանակում կորցնել մեր կյանքը հանուն Հիսուս Քրիստոսի:



Ովքեր միայն իրենց համար են ապրում, ի վերջո, կձկվում են, և, պատկերավոր ասած, կորցնում են իրենց կյանքը, մինչդեռ Նրանք,

## ՀԻՍՈՒՍ ՔՐԻՍՏՈՍԻ

ՎԵՐՁԻՑ ՕՐԵՐԻ ՍՐԲԵՐԻ

ԵԿԵՂԵՅԻ

ովքեր կորցնում են իրենց մյուսներին ծառայելու մեջ, աճում ու ծաղկում են՝ արդյունքում պահպանելով իրենց կյանքը: (Թոմաս Ս. Մոնսոն, «Ի՞նչ եմ ես արել ինչ-որ մեկի համար այսօր» *Ensign* կամ *L'haahna*, նոյեմբեր 2009, 85)

- Դուք ճանաչո՞ւմ եք մեկին, ով որոշել է կորցնել իր կյանքը հանուն Հիսուս Քրիստոսի: Ի՞նչ ազդեցություն է ունեցել այս որոշումը այդ անձնավորության վրա:
- Ինչպե՞ս եք դուք օրհնված այն բանի շնորհիվ, որ Հիսուս Քրիստոսը ապրել է այս հատվածներում ներկայացված ուսմունքների համաձայն:

### **Հաղթահարեք շեղումներն ու արդարացումները**

Կարդացեք Ղուկաս 9:57-62 հատվածները՝ փնտրելով, թե ինչ էին ցանկանում անել որոշակի մարդիկ՝ նախքան Փրկչին հետևելը:

- Ի՞նչ են այս հատվածները սովորեցնում Հիսուս Քրիստոսի ճշմարիտ աշակերտը լինելու մասին:

Հիսուս Քրիստոսը չի նշել, որ սխալ է սզալ սիրած մարդու մահը կամ հրաժեշտ տալ ընկերներին և

ընտանիքին: Դրա փոխարեն՝ Նա կարևոր դաս էր ուսուցանում աշակերտության գնի մասին:

**Նախագահ Հովարդ Վ. Հանթերը (1907–1995) բացատրել է Ղուկաս 9:62 հատվածում ներկայացված գութանի համեմատությունը:**



Ուղիղ ակոս կամ [խրամատ] փորելու համար հողագործը պիտի աչքը պահի իրենից առաջ գտնվող մի կետի: Դա նրան պահում է ճիշտ ընթացքի մեջ: Սակայն, եթե պատահում է, որ հետ է նայում տեսնելու, թե որտեղ է եղել, նրա շեղվելու հավանականությունը մեծանում է: Արդյունքում ստացվում են կոր և անկանոն ակոսներ: Եթե մեր եռանդը կենտրոնացած չէ մեր անցյալի վրա, այլ առջևի՝ հավերժական կյանքի և փրկության հրճվանքի վրա, մենք անկասկած կհասնենք դրան: (Հովարդ Վ. Հանթեր, «Ես «կենդանի» անդամ եմ» *Ensign*, մայիս 1987, 17)

- Որո՞նք են Տիրոջը չհետևելու տարածված պատճառները մեր օրերում:
- Ինչպե՞ս կարող եք կենտրոնանալ այն բանի վրա, որ Փրկիչը ձեզ խնդրել է անել հիմա և ապագայում:

**ՀԻՍՈՒՍ ԲՐԻՍՏՈՍԻ**  
ՎԵՐՋԻՆ ՕՐԵՐԻ ՍՐԲԵՐԻ  
ԵԿԵՂԵՅԻ